

چشمین چشمین خانچ کتھ

(شار سو مبرن)

3399



کلہن کول



شہر میں اعلیٰ "گتھی" جی لیں

کوہ نہ آویں مسان

ک

کلیں

शारदा पुस्तकालय

(संज्ञावला या दा केन्द्र)

क्रमांक

3399

چشمں چشمں خانچ کتھ

(شار سؤ مبرن)

کلہن کول

ادھرت پبلکیشنز

﴿ ساری حقوق چھ مُصنِف ہند ناو محفوظ ﴾

کتابہ ہند ناو : ”چشمین چشمین خانج کتھ“
مُصنِف : کھن کول
کمپیوٹر DTP : آئی آئی ایل ایس
471/A، سیکٹر 2، ونا یک نگر مٹھی جوم
ریکو کول # 9419136369
چھپن وری : 2015 عیسوی
مول : ڈائے ہتھ روپیہ (Rs.250/=)
ناشر : ادھر ت پبلکیشنز

**A collection of Kashmiri poetry by
Kalhan Koul
Published by Adhrit Publications**

کتاب میلنگ پتاہ:

- ۱۔ کتاب گھر کنال روڈ جوم تہ مولانا آزاد روڈ سرینگر۔
- ۲۔ مکان نمبر 31، گلی نمبر 1، بلاک B، روپ نگر اینکلو جوم۔

موبایل نمبر: 9858294130

سمرپن

مینا بن جذباتن ہنر یہ ڈاکر چھے

مینا ماجہ

سورگہ واسنی پوشہ گجہ

ارپن

یوسہ مینا سوچن ترلیہ

ہنر حقیقی آگر چھے

فہرست

| | | |
|----|-----------|-----------------|
| 9 | آش پچھ | : مکھن لال کنول |
| 21 | میانڈ کتھ | : کھن کول |

غزل

| | | |
|----|-----|---|
| 25 | 1. | بے گر چھس تو تہ کاشتر چھس کشیرے ناز منوئے دُچھ |
| 26 | 2. | واو ریکشا یو رسالس آسہ ہے |
| 27 | 3. | دل دودسہ دزاں چھم اُچھو دُریا دُبر تھ آس |
| 29 | 4. | کتہ اوس از لے پانس تانی |
| 30 | 5. | یہ چھ اند وند بُستی یارن ہنر بیہ یارس زانگان یار متیو |
| 31 | 6. | خُدا یا وونی چن منوئے پھلین تمہ آسہ سوئس منز |
| 32 | 7. | دگ دُزہم جگرس تہ لیکھم شار کینہہ |
| 33 | 8. | یہ شاعر تاز شارن منز پگاہ تے حال لیکھن چھم |
| 34 | 9. | منز سوئچہ سرس واو رنگا گزائے غزل میانڈی |
| 35 | 10. | دون اش قطن منز سوئے افسانہ دُون |
| 36 | 11. | موچھ منز بہتہ شوقل کینا ہتا متھ خوش باسینوم |
| 37 | 12. | طرحی غزل: ”خبر چھا صُح دم روزیا نہ روزیا (ساتی)“ |
| 39 | 13. | پارڈک زنیو مظرا پچ کتھ |

14. میں باسان دُستِ تہِ آسی ماے میانی تُوے لیو کھم 40
15. گنہ شچھ دُستِ داؤن کہہ یی از یارِ نگارو 41
16. دزلہ مانتہ اُسر ز چھمتر یارِ کتر 42
17. موصو من کمر ہنڑ زھنڑ ڈڈی کمر دیت شہر س نارا ہے 43
18. نئے پڑکھ غزل زن پڑم زندگانی 44
19. اگر نہ روشکھ بہ لیکھ چانہن خمارِ چشمن خمار کوتاہ 45
20. سنان مکی کوچہ پریشان سہ شہر اوس 46
21. سر پہ کالے لوس ساؤتھ حوصلن 47
22. رتہ کھلہ ہیو اسمان خُدا گوڑھ خار گزن 48
23. چانہ جبر کر خرف ہوا دواں لوت لوت 49
24. از تہ لوگ بنیہ پھیر خیالن راتھ کیت 50
25. گزشمہ زنجن مژ شہلایک پئے پاغام لکھو 51
26. سائنن برنن سرین لیو کھ آوار پتاہ 52
27. بے نور اچھن اُسر مڑھلو خاب ڈلتھ آکھ 54
28. ٹوٹھ آدن گام مشراوان بس 55
29. نظریہ تھاوان حساب بدلے 56
30. نہ چھ ڈکبہ گہہ گنڑ پشلیموز کانہہ 58
31. ماچھ رتن۔ ماگپہ گلس نش گوو بو مبر نیمہ رایہ تے 60

32. صُبح شوقل تہ سور مکر شام دِکھنا 61
33. مَوّت یُس از تانی و اُرائن مَنز کِنہ کِنہ گُری گُری تھادان اوس 63
34. دیوارن پٹھ لیکھی لیکھی تھوڑی آوار اچھر 64
35. میانہ گر کر آنگن پُدر کر وچھ تاپھ دپس 65
36. امارن پاؤر کم کم سہ کیناہ ونہ ہس 67
37. مَس کھاکر اچھو ولہ ترانظر اُش ناکر وچھکھ اِد یاد پئی 68
38. مُدے یون گن مگر اِظہار وچھمَس 69
39. زولانہ تڑتھ نیر منگ باز پگاہ ہو 70
40. کراں گپہ کار آدم ذاتھ راتس 71
41. پو د پو دتر اوان تر اوم دھ 72
42. میانہ گلیچ زون راتس ونہ مے ژھاران آسہ ما 74
43. از بیہ تے کر کتھ تار مونی 76
44. دِلدار دِلکو داغ تے رتہ بانہ چکر وچھ 78
45. از بیہ کور لولن ہول وچھس از یکھ تے قدمن پاؤر لگے 79
46. قاتِل چھے نظر چائی سہول یہ بجر چون 80
47. میانہ دِلہ مے حال یو زتھ کیناہ کرکھ 81
48. الہ الہ کروڑی لب چھم یاد 82
49. کبہ آگر کر مہراب پوئس تزیئہ ہتی روڈر 83

نظم

- 85 1. مَاج
- 86 2. گنبر
- 87 3. ود آلی
- 88 4. کوٹھش تہ کٹھ کوش
- 91 5. دہراتھ دوپر
- 93 6. انقلاب
- 97 7. دسگاہ
- 99 8. رتہ کھلہ اسمان
- 101 9. تھلکین
- 105 10. آہی
- 107 11. کھورک کھوٹھس
- 109 12. ووش
- 111 13. پگس یہ ونہ ہا
- 114 14. الہ شہر
- 116 15. نئے چھم مالک وڈنمت
- 118 16. دآن تھر
- 121 17. دومید
- 124 18. ٹوکہ سور
- 126 19. دل چھاگل پھٹہ ناس گوتھس
- 131 20. خاب
- 133 21. تپلہ سڑکھ

آش پکچ

نمته پته جلايه وطني هندن ڏاڻن ڏهلين منز وڌلپيه واريه آواز ڪاشر
شائري هندن پزلونس زگلس منز يمو ڪاشرس شعر ادس لول برنگ جسٽه خاز
ڪور۔ مگر يمو آواز و منز سيمه آواز سار نه هندن ديان پانس کن پهير سو موڊر ته
منفرد آواز چنه کلهن کول هنز۔ يوسه چهراس پنڌر چنه ته باقين نش هئس
ترا ته الگ ڪڏان۔ يه آواز چنه نو ته تاز دم سوچڪو نه ڏندر ڏنراوچ ڪوششه
ستر غور و فڪر ڪو ڏر دواڻ يله ترا ته و پهل وال نظرن شفقه سورخي منز رقص
ڪرناوان۔

ييله ته نه کلهن هندر شار بوزر نه باسبو و زنته ڪوترن هندن پکچ واد
چنه ففيس منز دؤر دؤر تام شي شي ڪر ته نو ڪنگرايه هندن په پناه ووان۔ تڪناز اُمر
سند بادز بل چنه شار پرن ولس يا بوزن ولس پانس ستر ڏهه نوان ته تمه
دگه هندن باس ڪرناوان يس اُمر هنز نظمڻ ڪو غزلن منز ڏهه ماران چنه۔

کلهن کول هنز گوڏنچ يعني ساڍروار شار سؤمبرن ”پشمن پشمن خانچ
ڪنه“ چنه اڪه و هن نظمڻ ته ڪو نوازه غزلن پڙهه مشتعل۔ نظمڻ هندن بوگ يودوے
ڪه پهن چنه مگر معنه سو آسنه ڪنڙي چنه ٻڌ اهم ته زوردار۔ سيمه وڻڪ الميه يس
کلهن واپاڻي ڏوڏمت ته پتر وومت چنه، نه چهن سبڻهه فن ڪاري سان
ورتوومت ته۔ اُمر هنز تخليقي عمل چنه هنه هنه زوردار بنان ته پرن دول چنه اته

مژ سرگرمی سان اُڑ رہی تھی امیگ ہر تر تان۔ نظمیں ہند معنیہ سوو آسن چھ لفظن
 پٹھ دُر تھ آسان تہ اتھ مژ چھنہ کانہہ تہ شک ز مخصوص لیکھن و طیر تہ بدؤن
 سوچن تر اے چھنہ اچھر وردہ ستر ناکار پاٹھر پرن داس تہ تھر مقاس پٹھ
 واتا ونچ کوشش کران پینن تخلیق کارن پانہ اتھ مژ غوطہ غوتھ گرہنہ آسہ۔
 اتھ مژ چھنہ کانہہ تہ شک ز کھن سُنڈ باوڑ بل چھ کتہ رٹہ ور اے نو حبہ آگہی
 ہند ز اُنکو زالان تہ تر پلس مژ تہ چھس نہ کانہہ تھوس یوان۔

اُڑ کس سما جس چھنہ افراتفری، زورادری، غارت گری، چھلہ چھا نگہ،
 شب خون تہ زور زبردستی ہشو بلا یو نال دولمت سیمیک ٹبٹھ وینہ پو شاعر س تہ
 زبر پاٹھر پڑھن تہ چنوں۔ یو تے یوت نہ بکوکہ گر بار نشہ تہ چھو لن اتھ۔ سو
 دگ تہ تچ پوت گر ز چھنہ لازمن تخلیق کار س تہ وانگ کر تھ ستر ستر روز پڑی۔
 امہ کنز ”کوٹھش تہ کٹھ کوش“ ہشہ نظمہ تھنہ پینہ چھ لازم تہ تہ برحق تہ:

رہمنس کوٹھش تے آکاش کٹھ کوش
 وٹھن ج موہر گوو اچھن مژ لگتھ اوش
 چھ تارکھ کھوتین مژ ژھو بے ستر ژھو کیمتر
 نہ وزل گوہان تتر نہ لگراے دولان
 شریمتر دلس مژ سبٹھاہ سر یہ ازتام
 تمی پانہ دولن پگاہ یا تہ کالی

(نظم: کوٹھش تہ کٹھ کوش)

پڑھ صُورت حال چھئے نا قابل برداشت مگر ژالہ ور اے پھنہ چار۔
اما ونہ بغارتہ کتہ روز کلہنس ہیو شاپر:

دور دیمتہ بالہ پتر کتر
اوپر ڈیونگا گوونمود

دند ٹکان

دزملمہ کران
کزکھ کرن گراے زن
سرکشی لکھتھ ڈکس
زن تہ سانگوپان
کرائتی کارو کانہہ

(نظم: انقلاب)

تہنہس تزیہ طوفانس منز دزن تہ چھئے بڈکھا۔ تجزیہ تہ تھہ ستر ییلہ
مُشاید چھ ہم آہنگ سپدان تہ تخلقی عمل چھئے شور و گونہان۔ اچھن در پٹھمان
یہ پزد تہ پٹن پلناو تہ چھ بوسہ دھہ رنان۔ مگر:

بلبلو

شہرس گومت
چکچہ پھیر اچھن
چلو اے لکھ

مے وؤن پنہ نو

ژلن

پہ نرے راتھ کئیت

خبر پھیرانہ پھیرا

سُچتہ

سوئتہ کاڈر واپس

(نظم : دسگاہ)

کلیانِ پنہ نو وؤن ”ژلن“ تہ ووپرن کس خطاہ..... یہ سارے چھے پزرس پٹھ
 مبنی تخلیقی عمل تہ اُچ واپسی گرز تہ چھے ضروری۔ شاپر ہنر کا پے چھے تمہہ وچ
 اہمانداری سان باوتھ گرنی ہتھ نہ باگہ آسہ آمت۔ یہ چھے اہماندار شاپر
 ہنر پز باوتھ یوسہ نظر گنہان چھے۔

ازیک آدم چھ ہتر ہوئی کھنومت۔ رنگن، زائزن تہ وٹن منز چھ
 باگرہ تھہ سچ پاسدومت۔ پزکو پھس وحشی پن اگاد گومت، ہتھ بُتر اُز چھ
 نیال گا لکو تہ نابو دکر لکو ژھل بل کران۔ ہے افسوس:

کیناز پوشن رنگ چھوکتھ

رنگ ساز وں

کیناز پوشن میڈ گنہان

کیناز چھکھ یم ویکر کران

گس ٻڙ ٻاوان چڱھ

ڀنڙ جودو گري

کينا ٻڙ ٻڙ منڙ بهتھ

کينا هتام کران

کينا ٻڙ آدم ذاتھ

ذ آڙن باگرته

پانہ آدم رتھ چوان

(نظم: رتھ کھلہ آساں)

کھن چھ اتھ کتھ گن واضح اشارہ کران۔ ماے محبت، وڙھن پھن،

خبر اتر پڙ ٻڙ ٻڙ تہ لول ورتاؤن چھ وونی خاب سپد مت۔ مگر اتھ برعکس چھ تہ

صورت حال:

وآران تہ چھس

وآران منڙ

ڏولان تہ چھس

ايوان منڙ

چھس گن زون پيتہ ارساں منڙ

چھس تزيشہ ٻوڙے برساں منڙ

سنگلاخ مکائن ٻڙ ٻڙ

انوان مکین ہنر بستی

پیتہ کُلی واراہ

تمہ آتہ نہ کانہہ

یوڈ بار شہر

ہمسایہ نہ کانہہ

(نظم: تھکین)

یو ہے چھ نیمہ وٹک یوڈ بار المیہ کہ سارے چھلہ تہ پھلہ۔

رشتن چھ مانہ مطلب بدلتے۔ نفسانی ہند چھ عالم تہ کانہہ چھنہ

کانہہ عتر تہ پارک زان چھے ڈجھو۔ کلہن چھے اوے یار ون تراوت:

گہے وسجار عالم

کل کڈان

چھکران زن

گہے دوسرہ دولہ تہ

سونچس کران

قادران

گہے!

اخبار ورقو پٹھ تھان

جائے، تارخ تہ وار

نے نکھ ہمسایہ ہنر
دپان تکلف اوئس
سورگہ واس

(نظم: کھوری کھونگس)

وچھان وچھان گئے وُرک یہ پنچہ مر مگر سو دگ مھنہ ہمان یوسہ گر
راوَن بخشہ چھے۔ عسکری قودن ییلہ واش کوڑ ریشی وار لوگ نار۔ نفرتن کوڑ کلہ
تہ وائس ہندس سمہ ژارس گوکھو پھڑٹھ۔ لچھ بدن کرکھ ہلتہ تہ جلاہ وطنی
ہند زہر پو پنہ نیسہ وطنس منز دلمہ دلمہ چنوں۔ کھن چھہ پٹھہ پٹھہ و بڑھنان:

موضمن کمر ہٹو ژڑو ژڑو کمر دیت شہرس نارا ہے
قبرستان لوگ تاپرا بُستی گوو لُر پارا ہے
کتبن گوو پیٹہ لٹھ امارن لاشن پو لا وائٹ ناد
کینڈونکھ دیت ہٹھن گوورن کینڈون ربہ دستارا ہے
تہڈپس تھوڈ بٹھ نہناوتھ اسہ مڑھ پائس پائے ہاے
گلو شیلین کُر بنہ ٹکراوتھ بوئین کور بیکہ تارا ہے
جلاہ وطنی منز یس پنہ وطنک احساس ووتلان چھہ تمیک باس چھہ کھن
پٹھہ پٹھہ پٹھہ ووان:

اوبر ییلہ ییلہ ژئے کن دوران وچھم نے وونمس
ژئے شچھ شپن وئی ما داے میانی توے لئو کھم

شوئگان شامن بہ چھس سوئچتھ پگاہ میلو
وناں اخبار صُجائے نیاے جانی تَوے لئو کھم
مگر دُون مَنز تہ چھنہ کلہن نو پچ آس تراوان تیکناز بہ چھ
آشاوادی:

خُدا یا وونی چمن مینوئے پھلن تمہ آہ سوئس مَنز
سُمن بیہ یار دُور پتر بٹن ہمسایہ سوئس مَنز
بگر ہوٹ بلبلن گوشت گمتر بند قَاد خان مَنز
مُدرتکھ تار زولانن دُون بے ولیہ سوئس مَنز
ہوا گوژھ نفرنگ موکلن صبا گوژھ موجبک پھیرن
بہ ریہ ہن نالہ آس نارو سہ ونہ ہم بھایہ سوئس مَنز
کلہن چھنہ فقط غمس للہ کھول کران۔ بہ چھ لولس تہ لولہ متہ لالے
کران تہ معشوقہ پندس وزملو روئس تہ دولتھ گتھ کران کران بوس لوژ راوان:
مُدے یون کُن مگر اظہار و چھمس
اچھن مَنز شولہ وُن سمار و چھمس



از بیہ تے کر کتھ تار موی
بہ تہ دپدو وچھتھ وار موی



از پیہ کور لولن هول وچھس از پکھ تے قدمن پائر لگے
از روئس تھو وثل پرد لگے از دلہ ہے یلہ ژھن تائر لگے



ہ پائر چوئے خیال نظمیں بہ شیر غزلن گمان چوئے
ژ باتھ بڑتھے نٹن کھسکھ اڈ وئے مے چوئے امار کوتاہ



دون اُش قطن منز سورے افسانہ وژن
ظاہر، باطن، سورے موے میخانہ وژن



کھنس چھ نبرل انداز بیان تہ سوچہ فکر۔ تہ پٹھ پٹھس غزل
لیکھنس گن زیادہ روحان باسان۔ اُمر ہندین شارن منز چھ نوبر۔ روایتی تہ
گہنہ آستر استعارہ تہ محاورہ پٹھنہ تہ پٹھ پٹھ استعمال کران۔ بیمہ مثالہ چھ اتھ
کتھ واش کڈان:

کھسہ آسمانس میانہ اشک باہ تہ اڈپر کر پٹھ
گلگریہ شکن شور وژن مینون پڑر وچھ



تہ گس مطلب سٹین کناہ اوس
اسوئی گنڈوئی سب چھم یاد



مینانہ گر کر آنکھن پُر کر وچھ تا پھ دپس
 بریس تھاون ٹھری بٹھ کورس معاف دپس
 مینانہ وجودج شہادتھ میو تل کتر دن
 یم چھا کاغذ تلمہ ژٹھ کر صاف دپس



موچھ منز بٹھ شوقل کینا ہتامتھ خوش باسئوم
 جوش، جوآنی، کل کینا ہتامتھ خوش باسئوم



تم شینہ گبر پزنی جان چکر بیتہ رؤدر نہ تھلک سائیں تل
 دودھ راتھ نژاں سیکہ شاٹھن منز نہ وائر وچھکھ اڈ یاد پئی



موت یس از تانی وائرآن منز کنہ گری گری تھادان اوس
 صُجائے ڈیوٹھم وتہ پٹھ کتر بن کینا ہتام لیکھ لیکھ تھادان اوس



دوستاڈ لگے چانڑ سبق اُسر سبتابی
 ٹاکار سبق کالہ پتر میخانہ پرتھ آس



از میانہ اندر کر لکھ چھ پُڈان لورر وِتن پُٹھ
ون میانہ گُلو سوئتہ سلی کیا ز پھولتھ آکھ



پُٹھ کنہ دینہ آمہ پُڈ مثالہ چھے ثابِت ودان کُرتھ ز کلہنس چھ غزل
لیکھنگ جان بڑ۔ اُمر ہندس کلاس منز چھے سنجیدگی تہ نوہر۔ برل محاور سازی
تہ لفظ وُتریک بے ولیہ استعمال، خیال منز رنگینی تہ بے پھر وُک انداز بیان
چھس باقین نش الگ استاد کران۔ دراصل چھ اُمس لودِ یس مایہ تہ لولہ
سُتر بُرتھ چھ۔ وُچھو یہ کتھ پُٹھ چھ پھولہ وُسن لفظن منز کور وُارو نیرہ وِز
اُہی کران تہ پران پران چھ پانے انسانس مینگر ہندر پُٹھ اتھ دوتھان:

شجر شوہر گُلو گُلو گُلو تھورے
ژ گڑھ وُارو وِتن شہجار تھورے
ہلم بڑ بڑ ژے تھوے شادمانی
اتھن برکت کتھن ملوار تھورے
منٹھ چائی چھ مائس مائس پوز
نہ کیاہ دیتے ژے دے مونخار تھورے

مے باسہ کتھ تام ہیو اگر نہ یہ ”مُج“ ناؤر نظمہ ہند تذکر کر۔ یہ نظم
چھے کلہن نہ شود، صاف تہ شُر وُژ سوچک تصور پُاد کران۔ مے چھنہ تہ پُٹھ پُٹھ
والہانہ اندر کر شار نظر گاؤتر۔ یم چھ زہنہ چہ دوجہ پُٹھ تہ پُٹھ پُٹھ چھاپ
سپدان ز کاٹھہ تہ ہیکہ نہ بین کنہ تہ پھشہ مٹاوتھ:

مَاج چھکھ ٿڙے مایہ کُج مستانہ مَاج
 دَادر لدیے درد مند دُردانہ مَاج
 چاڙی اُهی پکے چھے واتاں آسمان
 اڍ چھ بُرک بُرک میانی ساری بانہ مَاج
 چھیکرس پڙھ ونہ بہ کہ کھنن چھ اُزک کہ ونگ وینہل واو تہ برینہل
 جھنگل وچھمت تہ بذات خود امہ منزک دزامت۔ اُج تباہ کاری تہ ٿڙہ ٿڙہ تہ
 پھنن دگ تہ پتر اوہڙ۔ امہ سہ چھ اُک ہندس کلہم کلامس منز اُندریم دود
 کلہ کڏان تہ نیرم ہوا نواح تہ واش کڏھ ٿو شچھ باوان۔ اُک ہنز شاعری منز
 چھ نوبر تہ یہ چھ پرتھ لحاظہ معنیہ ساوبر ہتھ اُکس اپسرایہ ہندک پاٹھک کاڙ
 کڏھ انگہ انگہ رنگہ مدرایہ تہ ہاوان تہ دل تہ نوان۔ ادب نواز دوستن پزن
 ٿڙنگہ تھ امہ منز لال بد کڙی تہ آئندہ تہ پراون۔
 بہ پھس کھن کول صائبس یہ شاہ سوہرن چھاپ گرتھ اسہ تام
 واتا ونہ باپتہ مبارک تہ کران تہ اُهی تہ۔

مکھن لال کنول

جگتی ٿاون شپ

۱۰ جنوری ۲۰۱۵ء



میان کتھ

مے چھ اصلی ناو سُبھاش ژنڈر کول تہ قلمی ناو چھم کلہن۔ بہ زاس
مارچ 1964ء منز کشیر ہندس تحصیل شپین کس ژ ترا گوم (چتر اگام) ناوڑ گامس
منز۔ مائلس اوٹم ناو سورگیہ پنڈت دیا رام کول (ٹوٹھ) تہ ماجہ سورگیہ واسنہ
پوشہ کج (کا کڑ)۔ بہ اوٹس ستن کورن تہ دون نچون منز مائلس ماجہ اٹھم
شر۔

1969ء منز گوس بہ ژ ترا گا پکس پزایمیری سکولس منز دا پل یس گامہ
کس موقدم ہندس گرس اندر صرف ا کس کمرس منز چلان اوس۔ کلاس اکر
ا کس بجہ بونہ تل لگان۔ سکولس منز اکر ز ماسٹر جی۔ ا کس اوس ناو شری
اوم کار ناتھ شبنم تہ دؤیس جناب محمد ایوب نایک۔ شبنم صاب یم کاشیر
شاعری خاصکر طنز و مزاح دول کلامہ لیکھن والہن منز اکھ دیو ناو چھ اکر مے
پلگل پنہ نس شرک ہندک پاٹھر رچھان۔ تمہ کز بدیہ مے سکول گوچھ
رغبت۔ دؤیم ماسٹر جی محمد ایوب صاب تہ اوس سبٹھاہ نرم مرازک تہ لوکٹن
شر بن پر ناولس منز مائہ۔ مے اوس تہ تہ روز تہ پٹھند احترام ہمیشہ۔ سہ سکول
بنو پتہ مڈل سکول۔ تہ پٹھ گوس بہ زینہ پور ہائے سکول یس سانہ گامہ پٹھ
پاٹھ کلو میٹر دؤر چھ۔ وینجہ بیار کس ہائر سکیڈری سکولس منز پورم دون
ڈرکین تہ ا خرس گرم کھنہ بل (انت ناگ) کس ڈگری کالجس منز

گز پجوشن۔ کالجس اندر اوس پز و فیسر غلام محمد شاد ہسٹری پڑناوان۔ شاد صاب
چھ تھ پائیک ادھب تہ مفکر آسنس ستر ستر اکھ سیو د ساہ تہ نیک انسان تہ۔
تسمن ہند شفقت آمیز توجہ کتر دزاوئے کاڈن واش۔

1983 یس اندر اوس وئہ مے بی۔ اے فائینل ڈریک رزلٹ میں
باقی ز مے کور ماکر خاندہ۔ بہ اوس امہ وقتہ کٹوہ وہر تہ میانی خانداری
اُس ٹوم جمائز پرن واجن شراہ ویش ویناجی تیس مالیک ناو ”بیٹہ“ چھ۔ اُس
اُس دونوے خاندہ ویشرک تہ ودی ہتین پیکہ وٹہ پڈی۔ اسہ چھ زشرک اکھ
نچو تہ اکھ کور۔

مینہ زہنہ ویشرک اُس سانہ گانچ آبادی لگ بگ پانژہ ہتھ تہ اتہ اُس
پانژہ بیٹہ گر تہ اکھ ہتھ پٹھی مسلمان گر۔ بیٹہ کینو مسلمان اُس ساری زمیندار۔
کینہہ گر اُس زمینداری کرنہ علاہ چھانہ کام، کزالہ کام، ناید کام تہ چارواے
رچھن کام تہ کران۔ نفر ز ثور اُس ژورمہ دریچ لوکٹ موکٹ سرکاری نوکری
تہ کران ییلہ زن کینہہ گر تجارت پیشہ اُس۔ بہ زاس امہ ڈیگیل گامہ کس
اُس کس اوسوڈ حال گرس منز۔ مین مول تہ زٹھ بوے اُس پیکہ وٹہ زمینداری
علاہ ڈکانداری تہ باقی تجارت تہ کران۔ میانی سورگیہ ماکر اُس پنہ نس
لوکپارس منز انتہائی غربت وچھموز۔ مگر زبردست جدوجہد تہ جفاکشی کتر آسن
گرکہ حالات تھ حدس تام سداہارکوتر ز مینہ لوکپار اُس نہ سانس گرس منز
کتر چیزچ کی۔ سانس علاقس منز اوس سون گر اوسوڈ حال گر مانہ یوان۔
ماکر اوس پور علاقس منز پنہ منجستہ، سونچہ، کردار تہ ہار نہ مانن والہ حوصلہ

کئی اکھ پر پتھ کماؤمہن تہینگ شمر نے تہ میانہن باقی بینہن تہ بھاسن وئہ تہ
قدس قدس پٹھ میلان چھ۔

جون 1990ء منز پہو اسہ تہ باقی بٹن ہندک پاٹھر زو لریز پٹز وائسن
ہنز پٹنڈ تہ پرن تر اوتھ نیرن۔ 1997ء تام بیٹھ سون مشترکہ پروار ادھپورس
اندر نہایت ناگفیہ حالاتن منز۔ پتہ بیلہ بہ سکریشٹس اندر نوکری لوگس بہ آس
پٹز آشینز تہ شرک ہتھ جو۔ وئی کین چھس بحیثیت سکشن افسر سکریشٹس اندر
نوکری کران۔

یو دوی نے شرک پانہ پٹھے سکولہ کتاب وراے باقی کتابہ پرنگ
شوق اوس تاہم ہیوک نہ تھ گامی ماحولس منز مینن یہ شوق ویتھ پوٹھ۔
ادھپور روزنس دوران لگ بگ 1992ء منز ہیوت نے اردو پاٹھر کم کاسہ
لیکھن۔ 1999ء یس اندر سپد نے شری رتن لال جوہر صائس ستر ملاقات۔
تھر بوز میانہ کینہہ اردو غزلہ تہ وؤن: ”لیکھن چھکھ ٹھپک مگر یہ لکھ تہ پنے
کاشتر زبانی منز۔“ نے اوس واکھ تہ وؤن۔ نے ہیوت کاشترس منز لیکھن تہ یہ
سفر چھ میانہ مقدور جہاںہ وئہ تہ جاری۔ میانی یہ کتاب
چھ امی کوششہ ہند نتیجہ۔ میانی سوچن تر اے چھ میانس مائلس ماجہ ہنز
زینہی آپہ ژانچ مرہون منت۔ میانس کلاس اندر نظیر گوہون لفظ ورتا ویا
پکھر چھ میانہ تمہ آدن گامچ میو ہند دبت۔

کلہن کول







بے گر چھس توتہ کاشتر چھس کشرے ناز میونے وچھ
 دلس ودرس کرکھ میلہ پاز لکھ اد راز میونے وچھ
 بہ زامت بونہ شہجارن دژم دوتھ تزلش ریمہ آرن
 ژن زوتھ نار ویر دارن دزاں ییتہ ماز میونے وچھ
 آژن دریاو سوتھن واپس سوتن میلہ زور سہلاکس
 ژ پچھتاوکھ تہ اوش تراوکھ رلکھ انداز میونے وچھ
 ژن شیرتھ باتھ نو انہار بناوتھ باج ووپرن ستر
 تھکتھ میلہ پوت نظر اکھ دکھ ژ بوزکھ ساز میونے وچھ
 شہن زاگن وپھل وارلر چھ اظہارس کھسن دارس
 ژ زو دکھ لولہ گفتارس بنگھ ہمراز میونے وچھ





واو رِنگشا یور سالس آسہ ہے
 چشمہ ترہم شینہ بلس آسہ ہے
 جانوارس نیرہن ساری ملال
 وائے! موکلن باتھ زالس آسہ ہے
 روز ہے ما بانہ تیلہ ہول کول کنبہ
 پانی پانس تام کزالس آسہ ہے
 کاکر کرہاو زندگی کتھ رؤبرؤ
 مشغلا کانہہ جان حالس آسہ ہے
 لوکھ ما وچھ ہن مژر میوٹے اگر
 رازدار رؤفؤ گور مے نالس آسہ ہے
 وائے! بلہ ہن آکھ ہردکر کلہنس
 تانی فرصتھ سوئتہ کالس آسہ ہے



دل دودسہ دزاں چھم اچھو دُریاو ہرتھ آس
دپدو وچھم نہ زانہہ تہ مگر سوچہ سرتھ آس

الغایہ دتس واو رِنگو زپر حجابس
شر میوٹھ دنگ دزاو ما گلہ میوٹھ کرتھ آس

پرتھ شاہ چھ نؤے کشمش شاباش امارس
نتہ کر نہ زہر دامہ چو نتہ کر نہ مرتھ آس

اکھ زیوٹھ کڈل کزڈٹھ ترن پتہ چھ سورگ سوکھ
سوکھ اوس سرپے نتہ نتہ لہہ بہ ترتھ آس

تیتھ کیناہ ٲر منگان زاپدو وُنہ چھے نہ دوانی
الغابہ گنی کرکھ دِڑم دامانہ پرتھ آس

ووستاد لگے چانی سبق اُس کتابی
ٹاکار سبق کالہ پتر میخانہ پرتھ آس

کیناہ کیناہ ونے کوٲ کوٲ بہ وٹس چانہ امارے
کم کم خدا تر اوم تہ صنم عکتر گرتھ آس





کتہ اوس ازے پانس تانی
 لوگ اند جاناس تانی
 اسہ چھامطلب سزؤگ یادزؤگ
 بکو دژ نظراہ وانس تانی
 عقلن ہنژ لاچارو وچھتھ
 مے تہ تیج ٹکھ استانس تانی
 ورزنی واؤن توژھ ما تھو
 نتہ آس وپھ اسانس تانی
 لولہ غزل اکھ شار کئے
 کتھ ما تیج افسانس تانی
 ہوچچہ رگہ دیت ٹکھ اولے
 زھٹھ آیہ آخر جانس تانی



یہ چھ اندہ وندہ بُستی یارن ہنر پیٹہ یارس زاگان یار مٹیو
 پیٹہ غارن ہند چھا غوصہ لکن پیٹہ پنہ نو گری تم کار مٹیو
 پرتھ اُنہ پُٹس رُمہ ساس گوٹ پیٹہ داغ بٹھک کُس ہاو کُمس
 پیٹہ نیران ساری غازِ مِلتھ پیٹہ کس اصلی انہار مٹیو
 کھر ز ناد چھے آمڑ بینہ پن پیٹہ وون تھو وُمت اُتھر زُٹھ
 پیٹہ چھا کانہہ یُس دیہ واٹھ پن پیٹہ کُس کر دوور کار مٹیو
 پیٹہ چھا کانہہ یُس ہنہ سام کتھن پیٹہ رُودنہ کُسی آب اُچھن
 پیٹہ دیارن کم درویش کنکھ پیٹہ لٹھ وکھ کم دستار مٹیو
 پیٹہ ساری پُر دُمت لیکھ مٹر لکھ پیٹہ ساری دانا زان داکر
 پیٹہ کتھ پٹھ لکھر بوڑن چھے پیٹہ رُودنہ وٹس وار مٹیو
 یہ چھ دَو دَو دورن بکر لوکن پیٹہ کھر آمت پرتھ کانہہ وٹن
 پیٹہ رسی ہیوچھ گُفتار لگو پیٹہ اپڑے وٹھ کُمار مٹیو



خُدا یا دوزی چن میوئے پھلن تمہ آہ سوئس منز
 سمن پیہ یار دُورِ پتر بئس ہمسایہ سوئس منز
 بگر ہوٹ بلبلیں گوشت گمتر بند قَاد خان منز
 مورتکھ تارک زولان وژن بے ولیہ سوئس منز
 وداں گل کار نمر اوتھ دپاں گوژھ باغوان آسن
 ژ کرتکھ سایہ شپنس منز سہ رچھہکھ مایہ سوئس منز
 ہوا گوژھ نفرتک موکلن صبا گوژھ موجبک پھیرن
 بہ رٹہ ہن نالہ اش نارو سہ ونہ ہم بھایہ سوئس منز
 پریشان پوشہ نولن دل پریشان بانہ چی محفل
 رنگا رنگ پوشہ تھل باغس کھسن بیرلیہ سوئس منز
 کلیمز زو دپاں قلمس سہ کلہن بے زباں گوشت
 مڑھلویم خاب چھس اُخر گروھن ما ضایہ سوئس منز



دَک وُژہم جِگرس تہ لیکھم شار کینہہ
 گزائے لُج سُدَرس تہ لیکھم شار کینہہ
 بِل مے نظرن گوو تہ ڈیوٹھم گوو پیارِک
 زُون کھڑ دِگرس تہ لیکھم شار کینہہ
 کالہ مشرودوم تہ تھاوبم اچھ وُٹھ
 یاد پو صحرس تہ لیکھم شار کینہہ
 لول میونے وار مولہ وُن بازرن
 لُج خبر نگرس تہ لیکھم شار کینہہ
 وعد کورمت چھن پوڑے ہوون قسم
 گوو اپڑ پزرس تہ لیکھم شار کینہہ
 کتہ سہ کریشن مین تینالبن وُچھتھ
 تھر وُژہم تھزارس تہ لیکھم شار کینہہ



بہ شاعر تازِ شارن منزِ پگاہ تے حال لیکھن چھم
 لکھن گزہ تہینہ دنی روزنی توے پتھ کال لیکھن چھم
 مے تھوڑی چھم اچھر رزہرتھ مے تھوڑی چھم زبان شیرتھ
 مے سازن راجھ روزن چھم مے سرتے تال لیکھن چھم
 زہین ہند اکھ اتر ویرن چھ وریسن تاؤس لاگان
 اُلف ب ج چھم سو مبرن تہ نو سر دال لیکھن چھم
 کھوکھری دعو اپڑی تسلا پریشان کارواں موئوس
 بدلون روخ وچھتھ ہو بک بدلون نال لیکھن چھم
 خبر کیاہ لار پیہو از کھیلِس بائوڑتھے ڈچوڑ
 شکاڑس نیہ بد گوشت چھ ویرتھ زال لیکھن چھم
 قدم لوت لوت تڑٹل کلھن سماں گزہ کارواں پانے
 وقت کر رہنما پیدا گربس خطہ خال لیکھن چھم



منز سوئچہ سَرس واو رِنگا گزائے غزل میاؤ
لوٹہ پاٹھر بنس منز اَشس ددرائے غزل میاؤ

غزل س چھ سوخن دان کران ساز بران سوز
دم پھڑ تہ پشیمان توی وائے غزل میاؤ

ابہامہ تہن وُج نہ نہ تیج گول گرہنی کتھ
برجستہ بیاں اُنہ عیاں رائے غزل میاؤ

پتہ شبنم زؤن کڈان جامہ کران شران
تتھر یار بلس کھور چھلان دایے غزل میاؤ





دون اُش قطرن مثر سورے افسانہ وؤن
 ظاہر، باطن، سورے موے میخانہ وؤن
 یادن ہند پشمینہ کوئن ابوون صاف
 وؤن کرک نیلام عہد پیمانہ وؤن
 پوونہ سوئکو اڈ پھلو باسن پاؤن یاد
 دل ہارتھ بیہ زونک سر سامانہ وؤن
 تکر اُس شاید راتس پھر مڑ میانی کتاب
 مست قلندر، شاعر بیہ دیوانہ وؤن
 دوش تر اوتھ تکر ثارو پلون دلہ دبرے
 تاب، تنیا رُح پرور انمانہ وؤن





موچھ منز ہتھ شوقل کینا ہتامتھ خوش باسیوم
 جوش، جوآنی، کل کینا ہتامتھ خوش باسیوم
 راتھ وؤن پرتھ منشس حصہ کھسہ ہیؤ اسمان
 شر، شرگی، سپزل کینا ہتامتھ خوش باسیوم
 ژھلیہ ہلبن گڑھ ہتھ پز لاؤن صجک گاش
 جذبہ، جؤن، پاگل کینا ہتامتھ خوش باسیوم
 ادر وچھم اسانس گن اوس مدیہ وچھان
 ہمتھ، چاہت، ژھل کینا ہتامتھ خوش باسیوم
 ہے! وونی تھو زبس آے یاردن زور پکھن
 واد، وئل، ہلچل کینا ہتامتھ خوش باسیوم
 کلہن کاکو تراو تہ وونی دعالیہ خار گرس
 شام، سفر، روتل کینا ہتامتھ خوش باسیوم

طرحی غزل

طرح: ”خبر چھا صُبح دم روزیا نہ روزیا (ساتی)

خبر چھا صُبح دم روزیا نہ روزیا
جوانی پر عزم روزیا نہ روزیا

دوڑی صحر کر دوشلر روخسار وندہس
پن چھم شام غم روزیا نہ روزیا

لیکھن والو غنیمت راتھ زانو
خبر صبحس قلم روزیا نہ روزیا

برد حاراں لنجن آمت چھ بامن
توئے تکر سُنڈ کرم روزیا نہ روزیا

مے سوزں زندگی ساری فدا کر
مے سازں زپر بم روزیا نہ روزیا

نہ دگ باؤم نہ ہوؤم چھوکه تمس کاٹھہ
تمس گوو بگو ستم روزیا نہ روزیا

پشیمان از تہ روزں کار تو مرتھ
یگاہ یتھ کار خم روزیا نہ روزیا

ژ پھر ساقی مدُن وُنی کبن اچھن تل
یہے بانہر مے چھم روزیا نہ روزیا

ہلم داری اگر کلہن تہ پھر کی بس
دوہے داتھ ہلم روزیا نہ روزیا



پاردر زیو مِطراچ کته
 چشمن چشمن خانچ کته
 زهنيه پهرين منز پتجن پٻٻه
 محسن هِنْد کيخانچ کته
 چھوکه لد بدنس رڙ رڙ تون
 ورس ورس تانچ کته
 شين مانين هِنْد ريکتر دل
 شهرن گامن آچ کته
 رشتن مطلب جذبو ستر
 لوچ کته ورتاويچ کته





مینے باسان وُنہ تے آسی مائے میانی تَوے لیو کھم
 کھنٹھ وائنجہ آسی تھائے میانی تَوے لیو کھم
 دوہس پیٹہ ریہہ تہ راتس ریہہ چھ زن آسان
 انم کس ڈالو واوے گزائے چائی تَوے لیو کھم
 اوہر پیلہ پیلہ تے گن دوران وچھم مے وونمس
 تے شچھ شین وئی ما وائے میانی تَوے لیو کھم
 شونگان شامن بہ چھس سوئچھ پگاہ میلو
 وناں اخبار صُجائے نیائے چائی تَوے لیو کھم
 تہ چھکھنا مائج تے مائج تون ورتاؤن
 بنو کانگو تہ مشرکھ جائے میانی تَوے لیو کھم





گنہ شچھ و نم واوَن کہ تیی از یار نگارو
 پھٹھ وچھ تہ کھسن لولہ کی پھموار نگارو
 یادن مے کرم مالہ تے لولس مے کرم رچھ
 چھم دود اکھ سرمایہ نئے خار نگارو
 کُری خنڈ زمانن تہ مگر توتہ رچھم ستھ
 گوڈ گزائو کرس ای بہ ولس زار نگارو
 مد آمہ تاون لوگ تہ ووتھان کزاکو خیالن
 کر لولہ نظر زخمنے بلغار نگارو
 گئیہ وائس لولہ وال نار تنگل ہر دگران سوٹھ
 کر ژیر وونی بے عار کھبَس مار نگارو
 گئیہ وائس رچھان ستھ تہ مگر توتہ خبر چھا
 از پیہ تہ کزیا لولہ کئے اظہار نگارو



دزلیہ ما نتہ اُس رچھمتی یار اکتی
 ہنگہ تہ منگہ نتہ سؤر گئیہ گر بار اکتی
 شاعری ما بس تھوم ووش لپکھی لپکھی
 بوز کھے تیلہ بوز ناوتھ شار اکتی
 لوٹہ بڑ گو یس تہ کانہہ سرمایہ اوس
 لیتر بڑ گئیہ یار تے دودار اکتی
 پھاسہ کھسنگ ووزی چھ لوکن شوق زن
 گاٹہ لبو تھوڑی متری سجاوتھ دار اکتی
 عالس زھانڈتھ ژے لوگتھ بٹھ بدل
 توتہ چھی میے اکتی رلان انہار اکتی
 یاتہ زیو ہے بڈشہا یس بوز ہے
 قلمہ پھری نتہ کلہنن دربار اکتی



موصو من کمر ہنر زھنر ژڈ ژڈ کمر دیت شہر نار ہے
 قبرستان لوگ تاپرا بستی گوو لُر پارا ہے
 کتن گوو پیتہ لوتھ امارن لاشن پو لا وارث ناو
 کینزو نکھ دیت ٹاٹھن گوو برن کینزون ربہ دستارا ہے
 مٹر آباہ ووتھ سانے وارے شہر گامن گرہنے ژاو
 تہیتہ زودیت تھس رتہ چھپہ پانے مے تہ پر گوو گرہ بارا ہے
 وقاہ گوو تنہ میانس وطنس پوشے چمنن دویا اُس
 ہر دج زردی پوشن ازکل ٹورہن گوو پڑ پارا ہے
 تہذپس تھو و بٹھ نہناوتھ اسہ مڑھ پانس پانے ہاے
 لگو شیلہن گر بنہ ٹکراوتھ بونہن کور تیکہ تارا ہے
 پیتہ کس بوزان زو جذب ہنر پیتہ کس فرصتہ پڑاہ ہے
 کھن دولمت میڑ ہنر مایے لکھ دپنس فنکارا ہے



مے پُرکھ غزل زن پُرم زندگانی
 تَر کمر لچھکھ کس یہ لفظن روآنی
 مے جھوکھ پزأڑ پانے نجم دگ میے جگرس
 مے دؤپ راو ما یار چائی نشائی
 تَوے تَأَنگَر زَأَلَم تہ محفل سجاوم
 مے دؤپ سالہ یکھ از تَر ما زائہہ یوآنی
 یہ کتہ تالہ ہا چون رُسوآے سَپَدَن
 تَر ہمد مے اوسکھ دِلک یار جانی
 کمینگ بوش چھے وَن چھ دودہ تار گزرتھ
 وفا گس گران گس چھ پوشان جوآنی
 مے کتہ راے اُسم تَر امہ آہ سمسکھ
 سہ سرتاز یاؤن یہ بتھر پھر جوآنی



اگر نہ روشکھ بہ لیکھ چانبن جُمَارِ چشمن نُمَار کوتاہ
 گولابہ روئس شباب کوتاہ دوبلر زلفن شُمار کوتاہ
 بہ پاپ چوئے خیال نظمیں بہ شیرِ غزلن گُمان چوئے
 ژ با تھ بڑ تھے نہن کھسکھ اِد و ن مے چوئے امار کوتاہ
 چھ چانہ خُسکر ایام واراہ بہ تینہ کاتیاہ بہ لیکھ کاتیاہ
 کُرتھ ژے وِ ہلر سوال کاتیاہ جواب نے تھو شُمار کوتاہ
 ژے تازِ یاؤن تھبکن تہ ہاؤن مے دودِ دلہ بکے تگان نہ ہاؤن
 ژے شوخ نظرو وؤتھ خبر کیاہ مے کور امارس طُمار کوتاہ
 ژے مینہ لولک حساب آسی نکاہے ما ژے وار روزی
 ژے لولہ نازک تہور وچھتھ ما مے رُچھ وچھس مَنز یہ نار کوتاہ
 ژے چشمہ بد نش حُداے رُچھئے دُعلیہ کھن گران ہر دم
 ژے محفلن ہند چھ شوق کوتاہ مے داوہے لوگ وبقار کوتاہ



سنسان گلی کوچہ پریشان سہ شہر اوس
 وبتہ اُس تھٹان باکہ قیامتہ سہ پھر اوس
 گل اُس اشک بار ملنگزار مزار اوس
 دود اوس الگ بیون لہ موجہ سہ شکر اوس
 شہجار وٹس اوس وچھس نار چٹارس
 شاہ اُس شرمسار ہوئس سہ زہر اوس
 تیزا ب نظر اُس ٹٹان جامہ لجاظس
 دل اُس ورفار سراپا سہ قہر اوس
 تمہ شہر یتھ سور ملتھ دزلیہ تو آرخ
 ہم پھڑ سراسر شام پشیمان سہ سحر اوس





سر پہ کالے لؤس ساؤتھ حوصلن
زؤن راتس بگاشراوان مئزلن

گنر تہ چھکھ کمزور زؤنی پوز مگر
ویر چانے کل چھ نیران غافلن

وق چھ واراہ سخ مسافر راؤدڑمتر
گاشہ چانے آش پھیران غافلن

لکھ چھ اُخر لکھ تہ ونے داغدار
چون تابن تہہ چھ والان مُشکلن





رتہ کھلہ ہیؤ اسمان خُدا گوژھ خَار کَرُن
بُتھر پھیر گودِ انسان خُدا گوژھ خَار کَرُن

اؤپر نین پھور نار تہ رُوچِ آس دُزان
وہتھ ہوچھمڑ وٹھ پھیشان خُدا گوژھ خَار کَرُن

ریش وارِ خبر گس شاپھ تہ وارِ زلیہ تروپارِ
ڈل سالسِ گلہ تہران خُدا گوژھ خَار کَرُن

لاچار دِچِ اکھ باکھ زَمپنس چاکھ کران
اڈُ نَش گئیہ ارمان خُدا گوژھ خَار کَرُن



چلڻ جهر ڪر حرف هوا ڏواں لوت لوت ميانہ صبر ڇ ڪتاب هاوے بيہ
آتش چشمن تہ اوش و زل مژد مژد موڪھتہ گزرتھ حساب هاوے بيہ

گاہ جار ڪر شڪار گاہي تڙ ڪر وائسہ سؤبران سوال بلمن مژ
عام عالم علم پھراں وڻھو وڻھو خلد مٽ هيءُ جواب هاوے بيہ

سورگہ هاوس نہ خوف دوزخ کانہ نہ بکو تھو و حساب پٽ کل کانہ
هنگہ تہ هنگہ زن لول زوان مژد مژد گاش زھڻي و ن ثواب هاوے بيہ

گوکہ از چھ بازو برتھ پرتھ کانہ شوق ديارن هوان ڪنان شوقل
از تہ محسن اندر اندري سخ ديار والبن عذاب هاوے بيہ

دشت ديدن اندر زبٽس صحرا لور ڪر پڻڪ ول روئڻھ عملن
راتھ سپدن تہ صبح لو هٽر سلہ موڪھتہ جڙ جڙ گولاب هاوے بيہ



از تہ لوگ بیہ پھیڑ خیالں راتھ کیٹ
 تشنہ لب کھڑی لد سوالں راتھ کیٹ
 چانہ آکارک عکس دوتلیو اکھ
 زپر لُج کتنن ملالں راتھ کیٹ
 میانہ شجرکر گاشہ تارکھ اوپر سُر
 پے پڑنہم اپزن حوالں راتھ کیٹ
 اکھ نظر پتھ گُن تہ کم گونما تھ ریش
 اکھ نظر اُز رکبن زوالں راتھ کیٹ
 سہزنہ پاؤر نیرن تہ روٹن برنہ چون
 داد لوگ چانبن کمالں راتھ کیٹ
 وائے! ریند دیوانہ عاشق کور گئیہ
 ڈولون مَس رُود پینالں راتھ کیٹھ



گرشمہ ژنجن منز شہلیگ پے پامام لکھو
 اکہ لٹہ یکہ وٹہ ساری خاصو عام لکھو
 رتہ پزاژن، اُش تاربن ولہ وٹھراو ووش
 اسونہ ہونجہ آغاز تہ خوش انجام لکھو
 ونواسبن ہنزہ پھر عیاں سونہ شہرچ کتھ
 دم پھڑ بڑاندن چیرگیٹش جاسن بام لکھو
 وارانی بُربادی نارے نار تہ ویہہ
 آب عنایتھ کولہ کولہ شہر و گام لکھو
 تشگدستی تحرپرن گلہ زو تقرپرن
 لفظن معنہ سونہرک ورن سام لکھو





سانن برنن سرین لیو کھ آوار پتہ
مالن لیو کھن لار تہ گو برن دار پتہ

پنچہ ہنز میڑ موٹھ آخر تھادوم لوچہ گنڈتھ
پرکھے اٹھر پٹھ پیرن ہند ٹاکار پتہ

کناہ چھکھ گنزران اونگہ ٹنڈن پٹھ شجر نسب
گامہ چھ لیکھتھ تزامہ پٹس فن پار پتہ

لاہنہ لبہ تل یکچہ کراں اس عید مگر
گاہے رووم وٹم وونی کتہ تھار پتہ

ورزنی واؤن نہناؤتھ ژھنر آنگن پڈر
کل چھم دزائمز گر گن پانے سا پتہ

خوش خبرن گئیہ لائے مبارک تھامہ گمتر
بی کس یودوے ہتہ لہ وونمکھ وار پتہ

دُنیاہ زینن جانے وونی گوو کلہن بوز
رژھ رژھ دُنیاہ زینہ تہ رژھ رژھ ہار پتہ





بے نور اچھن اُسر مڑھلی خاب دلتھ آکھ
 چھ دست شفا پُشنے بیمار بِلتھ آکھ
 وچھتھ نہ وچھس اُسر گتلی داغ لکن پڑتھ
 ہا زیر کرن والہ تھوڑم کفنہ دلتھ آکھ
 توت میانہ ہٹیک رتھ سہ ووزل نار چھیا یاد
 ہے قتل کرن والہ کتب داغ چھلتھ آکھ
 از میانہ اندکر لکھ چھ پُشان ٹورک وتن پٹھ
 ون میانہ گلو سوئتہ سلی کیناز پھولتھ آکھ
 سہ ووش تہ سوے اکھ گزاو وٹھن رُوز بقایا
 از موقعہ شناس مار متیو طوطہ لگتھ آکھ





ٹوٹھ آدن گام مشراوان بس
 وائسہ لئو کھمت تام نہناوان بس
 بونہ ہونچھمڑ پٹھ کئے ونہ وائسہ کاو
 پتھ وائیک کیشہ خاب اباوان بس
 تاپھ تئراواں سیکستان کو پاٹھر
 آمہ ٹائیگ پونی شمر اوان بس
 زن چھ معبودس گزن ناوود کاشہ
 تریشہ گلہ نے مول ہو کھناوان بس
 ونہ تہ میانہن ہاوس زو آسہ ما
 از تہ چشمن پونی وژناوان بس
 گر گرے یار بل آنگن تہ یونی
 یاد صبح و شام مژراوان بس



نظر یہ تھاون حساب بدے
خبر چھ باوان عذاب بدے

سوالہ اکھ رتھ تہ ڈولنے ہرگز
نظر بدل تے جواب بدے

عقل چھکاواں فکر تہ مسلک
مژر ونان گوو ثواب بدے

نظر چھے سپرل کراں گانگل
خیا اچھن ہند حجاب بدے

گوناہ چھلاں اُس یہ وبتھ تہ اکہ دوه
صفا صفا شود سہ آب بدے

نظر خبر گس اگادِ تہم سہز
بلاہ لگہ ہس مے خاب بدے

خطیہ رووس وچھتھ تہ بوزتھ
عمل تے بدے خطاب بدے





نہ چھ ڈبکے گہے کئی پشلیہ کاتھہ نہ چھ نظر ن تل بیتہ سادے کاتھہ
نہ چھ مہلے کئی کاتھہ نظر گڑھان نہ چھ وتہ اندر پکڑ آبادے کاتھہ

نہ چھ شوقہ رنگتہ پشمنہ پلو نتھری پھتہ پھتہ تھوومت اتھر گرتھ
نہ چھ پینہ کاس آتار اصل نہ چھ پلہ پتھ گن جادوے کاتھہ

نہ چھ چکے چاوے تھج وان وون نہ چھ دوسہ دوسہ وارن، باغن منز
نہ چھ نہنڈ باتن ہند جوش دلس نہ چھ لولہ۔ سامان تھج کاوے کاتھہ

نہ چھ ژر لر نے وونی پونہ جران نہ چھ گر میو بزائے مشکاوان
نہ چھ ژھنیہ پش کتجن سال کران نہ چھ باژن ہند کر کہ ندے کاتھہ

نہ چھ دوطہ دوطہ کروں ہاوس کاٹھہ نہ چھ چشمن زوتان خاپے کاٹھہ
نہ چھ بانگہ زوان منشورے کاٹھہ نہ چھ ژانگہ دوان از ناہے کاٹھہ

نہ تہ لچھ غزل مٹر آہ بدل دژہ وائلنجہ دہتو داد تہ دل
نہ چھ تہس بوزتھ انصاف لیکھن نہ چھ مینے وڈنمت فریادے کاٹھہ





ماچھ رتہ ماگیہ گلس نش گوو بو مبر نیمہ رایہ تے
 لولہ ہے گڑھ آے آسن نتہ حُسن گڑھ ضایہ تے
 آسہ نے لولس ندامتہ آسہ نے عاشق نظر
 مَارکتن تیلہ مَارک مؤند معشوق حُسنس گزایہ تے
 عاشقو پیٹہ عاشقی تے بندگی ہندک راز پُرک
 گاہے لبو استان شیرتھ سجد گُرک تھکر جلیہ تے
 میانہ مرنے آوریہ پٹھ آسہ دُنیاہ دل ملؤل
 خال کانٹھا آسہ اند گن اوش وسبس ددرایہ تے
 زندگی ہند شام و آتھ پیو ویہ دودہ گوو رَاسر زن
 آونے گاشس سہ کتہ پیہ شامہ زہممر بن ژھالیہ تے
 ساقیا دستور میخانک شُرکل و ہلک رواج
 تھاو دونی باپار سوچن جام اکھ پھر مایہ تے



صبح شوقل تہ سور ملو شام دِکھنا
دِہیل تھئیہ پش دوسل لُر خام دِکھنا

وو پر شہرن مے کو رمت زن بٹس شُرک
وتن لگہ ہس مے پنہ نئے گام دِکھنا

دپانے مانج چھنہ تزاوان شُرِس زانہہ
وچھس تل پیہ رُٹھ اکھ دام دِکھنا

بہ جڑ ہا چوئہ چائس دامنس پوز
اتھن اتھ و تھ کتھن اِلہام دِکھنا

نظر لُجھڑ خبر گس خانہ مابین
لسن بیولا کھس گوتھ عام دیکھنا

مے گوو وونی واریاہ وق حالہ حاران
تھوگس لوئس لگے آرام دیکھنا

شُبیا کلہن قلم ہتھ دُور تھے نیش
اصل گو برس تڑ وصلگ جام دیکھنا





موت یُس از تانی واران منز کنہ گری گری تھوان اوس
 صجائے ڈیوٹھم وتہ پٹھ کترین کیاہتام لیکھی لیکھی تھوان اوس
 یتھ بستی منز ژھنیہ پش جاین کاٹھچہ لبہ تے کاٹھوری بر
 یتھ کمر آتش باز گنڈن ہیوت وتہ کس نارس ہوان اوس
 یمہ بستی ہندی ژکر در آوری یمہ شہر کر گاٹھو خاموش
 ڈبکہ ہے ژنڈ دتھ سوتھ پٹھ پاگل ویتھ گن کیاہتام ہوان اوس
 باغچہ مسولہ ڈبکہ زول تاوان روڈک موکل نیندرے مس
 تھر روٹ شاید کار بدل کانہہ لو یُس دژمنس تراوان اوس
 یتھ گڑھ کاروبار طیس پٹھ یتھ وونی بازار واش کڈن
 تھر گری لٹھ کی ڈیر جمع وونی تنہ یُس موردن ساوان اوس
 راتھ بوزم تھر دژ پارے پھسراین گڑھ ٹھاکہ لگن
 وتہ پٹھ دودش وتہ گتہ لوکن کنہ شچھ تنہ یُس باوان اوس



دیوارن پٹھ لیکھی لیکھی تھو آوار اچھر
اسہ کور بُستی سانہ خبر گس ناو ووپر

پڑانی پڈی گشتام اسی رزھر تھ خام وٹن
بلڈوزر ہتھ دزلیہ تہ کور آباد شہر

ژا پھ ژودا ہم زون خبر کمر ووکھ دیون
تھاؤر پشاچو ہتھ نہناوتھ شام و سحر

سانہ حیاتچ مانتھر ہتھ ژؤل جوگر دپاں
گوڈ تھو گن تڑپراوتھ پتہ کر قادی نظر





میانہ گر کر آنگن پد کر وچہ تا پھ دپس
بریس تھاون ٹھرک بُتھ کورس معاف دپس

نر آسس و سوار تہ پلوہن زون کھین
گٹہ پچھ لہ گٹہ لئو کھن کپفس گاف دپس

میانہ وجودج شہادتھ میڑ تل کتر دفن
یم چھا کاغذ تلمہ ژٹھ کر صاف دپس

وہ تہ چھ کاندرک للہ ہنز برگول لول بران
از تہ چھ وائس للہ ہند للہ وُن شاپھ دپس

میون مبارکھ وئی زبس قاتل قاضر بنو
لاش لگہ پرخاش تہ کر انصاف دپس

کھسرتن وادس ژکھ یا کُردتن وەر اسمان
لگراین منز ہبڈرن زیونک واپھ دپس

کلہنہ لیوکھنہ دار تہ پڑژھنہ خائیش ون
نچہ ژکل ہیو کولہ بوٹھ ورتل ڈاپھ دپس





امارن پادر کم کم بہ کیاہ ونہ ہس
 نظر دل سوز سرخم بہ کیاہ ونہ ہس
 مے آسم گزاو پلکل زیو پیتس پٹھ
 تمس اُسر ڈلف برہم بہ کیاہ ونہ ہس
 ڈیکس ڈنہ رِکھ کرِتھ سوَنچم پرتھس از
 مے ہاؤن مائز نم بہ کیاہ ونہ ہس
 مے لُج یس وائس گرلس اُخرس پٹھ
 سہ پانے پھٹ صنم بہ کیاہ ونہ ہس
 وٹھن کجبار اوُس سیود ہزل ہیو
 ہنگے گئیہ چشمہ نم بہ کیاہ ونہ ہس
 اُس کھنگالہ ہش ڈیٹھم سراپا
 مے غم اوس تاز دَم بہ کیاہ ونہ ہس



مَس کھاسر اچھو ولہ تزاو نظر اَش ٹارک وچھکھ اِد یاد پئی
 رنگہ بلبل دم پھڑ پنجرس منز لاچارک وچھکھ اِد یاد پئی
 یمہ ونہ کئے نچر تازہ ہوا کمر تانی وٹھ نیو بر مندمن
 توت تاپھ تہ وڈون گرد ہوا ونہ ہارک وچھکھ اِد یاد پئی
 تم شہنہ گبر پزنی جان چگر بیتہ رورک نہ تھمکو ساین تل
 دودہ راتھ نژاں سیکہ شاٹھن منز نہ واری وچھکھ اِد یاد پئی
 چھہ یاد سہ ڈیگل گام تیلک وِ وار تہ بیہ شہجار تمکو
 تہ تہ تہ رتہ مہراہ کنان باپارک وچھکھ اِد یاد پئی
 تمہ باغِ نشاء لکو بومورن گنگرود سہ للہ ہند واکھ گلن
 از نو سر نو انمانہ گون پھتہ پھیارک وچھکھ اِد یاد پئی
 چھہ یاد تہ آرئی آلو ون کتہ تھاوکھ زلہ وئی شار تہنس
 مے تہ گزند شاہن ہنز پوشہ کوتام انوارک وچھکھ اِد یاد پئی



مدے یون گن مگر اظہار و چھمس
 اچھن منز شولہ وُن سمسار و چھمس
 نیپرک شینہ ماڈی ہش باسان ہندر تیخ
 اندر اندری وہاں سوت نار و چھمس
 لکن تھی شوق تیمر منساو ساری
 مے خلوکھ ساسہ بڈر امار و چھمس
 سو ٹنگہ گج سونتہ پھچمڑ اُس شولان
 نیمپڑ ہرہ پتھرس بار و چھمس
 سہ بے شک بے وفا سنگدل نہ ہرگز
 کورن ییلہ کھش مے چشمن عار و چھمس
 ورق پھرنس کورن یود ٹھاکھ وونی گو
 مے پور سورے پیٹھے کئی شار و چھمس



زولانہ ژٹھ نیر منگ باز پگاہ ہو
 گڑھ شپہ مانن پونی یرن راز پگاہ ہو
 ینہ تخ تہ زمستان وچھتھ دل تے ڈلی ہو
 یتہ واو رنگاہ ہتھ نووے انداز پگاہ ہو
 ازتانی ششر گانہ کر ہیوک سوٹھ زکاوتھ
 اوش ہار تہ میلپس نہ کانہہ ہراز پگاہ ہو
 یتھ تھٹھ تہ گٹھ منز راچھ کرٹھ روز وچوڈس
 از راچھ کرکھ او ژ کرکھ ناز پگاہ ہو
 کرٹیکہ بٹھ نین سال سوٹنگ واو وچھان گڑھ
 پھولہ پوشہ ڈلاہ مراہ تے کراز پگاہ ہو
 کلہن یتہ کراماتھ کرٹھ نیر خبر کوٹ
 چھے دم غنیمتھ کس دلی آواز پگاہ ہو



کراں گئیہ کار آدم ذاتھ راتس
 وداں اُس دارِ از وہراتھ راتس
 اُکس دون ہند مے کر وسواسہ اوسم
 مے وچھ تلوار بہتھ ارساتھ راتس
 کڈاں رُود آسانچ کل سہ لوکن
 پدو تل تیمر کڈکھ بُراتھ راتس
 مے پو کالے غنیمت دم مے زونم
 مے گنزر اُور داغ سینکری راتھ راتس
 مُشتھ گومت مے چھم اسکھاس زونک
 دواں گزھ تڑس تہ کر درجاتھ راتس
 زہر ساقی کئے کھن چوان چھس
 ژ وَن رِندن مے وَن از ساتھ راتس



پود پود تراوان تراؤم وکھ
پنہ نهن پردہن باؤم کتھ

لکھ ما کڈنس معنہ بدل
نختہ ورتہ پٹھ تھائوم کتھ

پیہ وقاہ ییلہ ٹلنس لکھ
لوتہ پاٹھر پانے ساؤم کتھ

پنہ پٹھ پیتڑمس شار گرنی
لیکھر لیکھر تنہ نہناؤم کتھ

پرن دۄنم پاسہ رچھن
کھوچہ اِد پرکھاؤم کتھ

بہ تہ چھس حاران صاف ونے
رکتھ کنہ ازتام تھاءوم ستھ

تھر اوس شاید بکر وؤنمت
رچھ کُرک تھے رتھرءوم کتھ

کھن روؤس پانہ پیتی
لکھ ارساتس باؤم وتھ





مینہ گالچ زون راتس وُنہ مے تھاران آسہ ما
مینہ ڈبہ پٹھہ سر یہ صُجائے وُنہ مے پزاران آسہ ما

سانہ کانی کُتجہ ونہ وُن شولہ ناوان اوس نا
مینہ کُٹھہ چی دُار بند تے چوکہ وُاراں آسہ ما

از تہ وُاہر آثر رُود وُورن مُشکہ افر چھا پوان
سوئتہ پی پی ہر د چیں چیں وتہ مے گاران آسہ ما

تریشہ دوژھ اکھ پنہ کولہ ہنز گژھ منس پیہ ہے قرار
زور پلہ نے پان چھاوتھ پان ماراں آسہ ما

بزوٹھ کنہ بتہ تھال شیرتھ اتھ گڑھان چھم رۆزی رۆزی
میانہ بڑائڈک ہون وڈی کھن حال حاران آسہ ما

زندگی اکھ حارڈثا تھا حادِثا بس پیہ نہ کیٹھہ
مہر بہ شاید آورتنی گالچ مے پزاران آسہ ما

میانہ لر ہند پزون تھپیہ پیش کوٹ باران ژالہ ون
از تہ کانز راتھ کیٹ وُج بانہ ژھاران آسہ ما

کول گوٹ کوستور کھن دُور سینکلس مَنز پیوٹ
توتہ منہ جے رُوس مرگن ژھالہ ماران آسہ ما





از بیہ تے کر کتھ تار مڑی
بہ تہ دیدو وچھتھ وار مڑی

از اچھرن تھاویم مالہ گرتھ
از سازس چاریم تار مڑی

تھو سوپن مٹر ژھپہ ژھار گنڈن
تھو لولہ کتھن کن وار مڑی

مے تہ سڈرس تڑاوم ناو لوتی
ژ تہ وس تے تر ہا تار مڑی

گگرایہ وُزان مَس اوہ لنگبن
روے چوئے وُزل نار مڑی

یا روزکھ باوے سپر دے لک
نتہ اڈ خوش کور تھس مار مڑی

چھا لولہ متبن کل راواں زانہہ
چھا حُسنس روزان چار مڑی

کوستور ککن ییلہ گیو کھن
گڑھ لولہ سرن پڑ پار مڑی





دلدارِ دلکو داغ تے رتہ بانہ جگر وچھ
 واران وٹن واو لئی صحراو سفر وچھ
 کو چھس بہ خطاوار تے کیاہ کور مے اتر وں
 انصاف لیکھن والہ یکن تزاو نظر وچھ
 ورنہ تہ تمہن روڈ جربن آسہ بدل رنگ
 مجبور گڑھتھ تزاو کئے وٹن تہ اثر وچھ
 کھسہ آسمانس میانہ اشک باہ تہ اوپر کر پاٹھو
 گلگرایہ تکلن شور وں میون پزر وچھ
 تھو اچھ بہ وٹتھ وڑی تہ وڑی ولتہ پٹن گام
 وڑی واو ونہم تازہ تیچ خوش تہ خبر وچھ
 یاتہ گوڑھ دودھ راتھ آسٹن اہر بلک ساز
 او لیکھ کلہن شار تے او سوڑ جگر وچھ



از بیہ کور لولن هول وچھس از پکھ تے قدمن پاری لگے
 از روئس تھو وٹل پرد لگے از دلہ ہے یلہ ژھن تارک لگے
 کو دزایکھ زلفن شانہ کُرتھ چھکھ حُسنہ پُری انکار کُئس
 چھکھ ذاتن گر مژ پانہ تھیکتھ اُمی فتنن کم کم ماری لگے
 یہ چھ لولہ سمندر باگہ بورت مے تہ وڈھ لایم ژ تہ تراو دپے
 بیہ پھڑ کم کم جانانہ مگر تہ ازلن واراہ تارک لگے
 از پکھ تے عشقس آے ہریم ژے تہ حُسن بیہ چکھ چاو ہری
 ژ تہ پتہ گس ہاوکھ ناز ادا ییلہ شو قے اکہ اکہ ہارک لگے
 ژے تہ اُخر یں چھے لانہ مگر مے چھ باسان آسم سور گو مت
 ییلہ موت کلہن دیہ چاکھ وچھس اِد پکھ تے لاگھ یارک لگے





قَاتِل چھے نظر چائی سپول یہ بھر چون
 ییلہ ہار تھزر چون اِ زینہ سبزر میون
 اُندری چھ یودوے لاؤ تیان میانہ جنونک
 چھے میائی دڑے پینہ گابره وُنہ ژالہ جگر میون
 پھٹہ وچہ تہ کھسن لاؤ لمبکھ نار کوہستان
 ییلہ راو پھر میائی تہ کتہ روز نگر چون
 میتہ تھوو سہنس شین برتھ اتھساس دوبراوتھ
 چھم توتہ وُزاں لولہ اچھری چھ پزر میون
 اُم آسمان کھول ہنگہ منگہ تارک ترژن ہندک
 مینہ تہ تھوو اُلس وار وژھر وچہ یہ مژر میون





میانہ دلہ کئے حال بوزتھ کیاہ کرکھ
 حال چھم بے حال بوزتھ کیاہ کرکھ
 لاو شوئی کو ٹوری پڑاوتھ تڑ خوش
 میانہ سینکھ داغ گزرتھ کیاہ کرکھ
 میانی دگ تے میون کریشن ما وچھتھ
 راز بلہ استاد روڑتھ کیاہ کرکھ
 وائسہ لوکھ نامہ سوزی ما پرتھ
 میانہ مڑوک راز بوزتھ کیاہ کرکھ
 شار دگہ ہندک نامہ دادک ما سنی
 لاشہ میانہ پوش تڑاوتھ کیاہ کرکھ
 نار دینہ وز عار ما آوے تے ون
 سور سپدک تڑور روڑتھ کیاہ کرکھ



الہ الہ کروڑی لب چھم یاد
 اڈ کھری ژرِ بچہ ڈب چھم یاد
 تتہ ما بٹھری پھر روڈ سڑک
 کھورن خوشوڑی رب چھم یاد
 تتہ گس مطلب سنن کتیاہ اوس
 اسوڑی گنڈوڑی سب چھم یاد
 یادن لولہ کھول یادن ژہہ
 ستہ زاو شری سے بب چھم یاد
 لوت لوت کٹھ کوش کانگر جوش
 ساءنر کتھ تے بب چھم یاد






کمہ آگر کمر میراب پوٹس تریشہ ہتی رڈر
وتھ عالمس ہادو کہ تہ مگر پانہ تہی رڈر

تم آسر پڑی پاٹھر لیکھاں خاب پراں خاب
متر آسر مزر گوکہ پھر تھ توتہ متی رڈر

میراٹھ دپاں اوس تمن ستر پھٹج بس
چھتر کاو وچان آسر ون توتہ چھتری رڈر

تاریخ لیکھن والہ لگے اکھ سطر تلہ کنہ
مندور تزاوتھ دزلیہ تم دروازہ وٹھی رڈر





مائج

مائج چھکھ تڑے مایہ کج مستانہ مائج
 دادر لدپے دردمند دُردانہ مائج
 چانہ رؤس کتہ آسہ ہے میوئے وجود
 آئپہ دتی تھم پانہ دود تے دانہ مائج
 میانہ لوہن آسہ تے اڈ پھل امار
 شوقہ رچھتھکھ دامنس تل پانہ مائج
 چانی اہی پکے چھے واتاں آسمان
 اچھ بُرک بُرک میانی ساری بانہ مائج
 میانہ باپتہ موم بُتر ہش چھکھ گلان
 چھس بہ چونے گتہ کرے پروانہ مائج
 خار بُرزی خار چانی آئپہ رؤس
 کول بہ کہن زو دے نذرانہ مائج

گنبر

ژود اہم زوئی! تارکھ کھیول تہ سورے آسماں چوئے
ژیے اُندر اُندر ساسہ بڈر تارکھ چھنے بس رازداں چوئے

ہلم بڑی بڑی زڑو چانو تھوئی چھکھ بس توے لاراں
لگن ما سز صدم چائی زڑو ما وُن بیاں چوئے

ژ پزاران اُتھ رستس آسمانس منز تیس گز زئی
ژے بکو چھے دردِ دل لہ وُن تیس چھنے رڑھ دپاں چوئے

ژے تھاتھ خاب دؤ براوتھ ژے کائسی سپر ما باوتھ
ژ تھندے رُشکھ چھکھ ووشلان لگن بکو بدگماں چوئے



ودائی

شجر شوئیکو گلو گلزار تھوئے
 ژ گنھ واریو وتن شہجار تھوئے
 مٹھ مالین ژے گنھوئے واریوچ لے
 مدھ قدمن ڈبکس وسجار تھوئے
 ہلم بری بری ژے تھوئے شادمانی
 اتھن برکت کتھن ملزار تھوئے
 منٹھ چائی چھ مائس مائس پوز
 مے کیاہ دیتے ژے دے موختار تھوئے
 لیکھان اہی ودائی کور کھن
 بجا گروئے بوڑت گر بار تھوئے



کوٹھش تہ کٹھ کوش

زہنس کوٹھش تہ آکاش کٹھ کوش
 وٹھن لُج موہر گوو اچھن منز لگتھ اوٹش
 پدین تر کنڈر تہ کوٹھن تانی زو دزاو
 چھ پانڈا لری بالن وانا کھ وپھان واو
 خبر بریہ کوٹ تژول نپس زال اوڑک
 گزہن آتہ زونے گنڈن ہول چھ صبرک
 چھ تارکھ کھوتہن منز زھوے متری زھوکیتر
 نہ وزل گنڈھان نتر نہ لگراے دولان
 چھ نتر گاشہ زژ ما نظامس نیندر زن
 شہان چھا شوگن قودرتس یوت کالاہ
 لبون ہوئی آدم رتس کوٹ کالاہ
 ششتر گائے متری کائے ور ما چھ دیوت مت

ویتھ ما وٹسر شاپھ ریش کائسہ دیت مُت
 خبر کیناز ماگس ویو کھت آے لوگمت
 گزرن ہار تاپک کولن زن چھ موٹھمت
 کڈن دودھ چھ دُشوار پگاہ دُور باسان
 خبر کیناز رچھم مے ونبہ آس پگچ
 مے چیرتھ جگر آسہ رنگ بؤر خیالن
 پگاہ کاسہ کھر پانہ کھر لد سوالن
 رچھو شوق از تے پگاہ گاشہ ورشن
 مے ژاٹگس پگاہ تام گڑھم تیل پوشن
 مہ گابر مہ بانر ژھوٹان وائس ماگس
 پھولن گل تہ سوٹبل برن لول باغس
 ووتھن مٹر مزارو تلن ساز سنہ وُن
 ریشن ماجہ زاین شبکھ لولہ ونہ وُن
 شرتیمتر ولس منز سبٹھاہ سیرہ ازتام

تمی پانہ ووتلن پگاہ یا تہ کالی
 بیتن پوش میڑ منز شزپان ہرہ زڑتھ
 تتی سوئتہ بلبل چھ شیران اُلی
 اگر میون بوزکھ اتھس تھھ کُرتھ نیر
 قدم تُل پدن پھیر پانے وشنیر
 گرو سال سوئس تہ وِ کیمی گروھن نُر
 ژٹو زال سریس تہ پوشن گروھن نُر



وہراتھ ووپر

از پیہ باؤتھ سوے پڑاؤ کتھ
 از پیہ وڑناؤتھ شوخجڑ ستھ
 پیہ راتس باسیو وے تی
 پیہ وچھتھن واهراتھ اچھو
 ہول گنڈر تھے بے وایہ نژان
 رڈ شڑانہ وسان
 شڑ وڑی شڑ وڑی شڑ وڑی
 بڑاتھ گہوان
 یہ چھ چائی نظر
 یہ چھ چون یقین
 رکو سوئدر تے کوٹ حسین
 پڑھ کرکھا!
 راتھ یٹھے

گلر این ہند گوم شور کنن

کل دزایم

مے تہ نالہ پلو کڈر

یڈ کاکر دویم

کینہہ کھوکھری پوز اتھاس زوکھ

وآ ہر آژ پھیر بو شہلاو بدن

شہلاو یہ تن دیو شہلیم من

دیو مشراون سے ٹوٹھ وطن

افسوس مگر!

مے چھ کھٹر مٹر پانس نار پھٹر

رؤ دنہ زن اُس نار بسر

ہم چھ چون پزر

یہ چھ میون پزر

مے چھ باسان اُس

مگر وَا ہراتھ دوپر

انقلاب

شر اوُن رہتھ

دوہ دگر

تالہ پٹھ سید سیو د

دزان اوس آفتاب

بادشاہ تختس بہتھ

پھلو اے زن

کائپ نیومت کایناتھ

آمہ تاو بُرا اُڑ بُتھس

زور گہ سہلاب

نیر بس بز وٹھ کس



دور دیمتہ بالہ پتر کنز

اؤپر ڈیونگا گو و نمود

دند ٹکان

وڑملہ کران

کزکھ گرین گکراے زن

سرکشی لیکھتھ ڈیکس

زن تہ سانگو پان

کراثتی کاردی کانہہ

بس ائے ٹیٹہ وار

سیریس بزونٹھ لوگ

مرحبا!

جبروت ہوون وقتہ کاکر



واد ووتھ بدلے

عجب سوسراے لج

آوسپښ لپه
گلر هوکهي مټر پهرن

زېو زمانن

ژهڼي دندن تل

رنگ بټهس

بټر آڅ پهيور

شور شروني شروني گوډو

ته وهراته گيه شروغ



ميانه پهيچي مږ دار کڼي

سته زاوسپښل

رؤډ پهيور اکه

آوميانس

زهڼه مټس هلمس اندر

آسمانن اُس شاید
سوزمژ شچھ کانہہ وِلتھ
اوڈ رُما ٹھہر یو
اڈ کجہ زیو وؤنن
ناو:

ابن انقلاب

☆☆☆

دَس گاہ

بُلُو

شہر س گومت

پچہ پھیر اُ چھن

پھلوا ے لکھ

مے وڈن پنہ نو

ژلن

بہ نیر ے راتھ کیت

خبر پھیرا نہ پھیرا

سُتچہ

سوئتہ کاکر واپس

مے تھوڑا دس دُراڈ وڑھ

ٹھوگر کٹھس

کٹھس یتھ

تالوس طمہن

پرس تمہ اول تھو و شیر تھ

پنو ونہ ہس

تھر پھر شہرچی کانہہ کھ

پنو بکو

اگر ناچ کھ تلکھ

پہ وڈ زبس

تھر وڈے

ژ ما انسان چھکھ

ژے ما

مذہب کنہے

ژے چھے دسگاہ

ژ اژھ

بے پھر وکھ تہ بیہ

پنہ نس عیالس ستر

االس منز

رتہ کھلہ اسمان

میانہ دیہ

ب یا خیر

کیناز تھاو تھ

اچھ وڑھے

گاشس و بڑھے

کیناز لاجتھ مان

شراؤس منجھورے

کیناز پوشن رنگ چھوگتھ

رنگ ساڑ و ن

کیناز پوشن میڑ گڑھان

کیناز چھکھ بیم وچ کران

گس تڑ ہاوان چھکھ

پَنزِ جودِ گری
 کیا زِ پردنِ منزِ بہتھ
 کیا ہتامِ کران
 کیا زِ آدمِ ذاتھ
 ذِ اُژنِ با گرتھ
 پانہِ آدمِ رتھ چوان
 یا تہِ پردنِ چاکھ دتھ
 وسِ بر زِ مین
 یا تہِ پردنِ منزِ بہتھ
 پیہِ بخشِ آدمِ رتس
 سوے قدرِ تے
 سے مقام
 نوٰنِ ناحقِ وُچھنہِ بزِ وُفہہ
 رتہِ کھلہِ گوشان
 اوسِ آسمان

تھکین

پیٽہ ہاؤے کیاہ
 تھکہ ناؤے کیاہ
 واران بہ چھس
 واران منز
 ڈولان بہ چھس
 ایوان منز
 چھس گن زون پیٽہ ارساتس منز
 چھس تڑیشہ ہوئے برساتس منز
 سنگلاخ مکائن ہنز بستی
 اتران مکین ہنز بستی
 پیٽہ لکر واراہ
 تمہ آہ نہ کانہہ

بوڈ بار شہر

ہمسایہ نہ کانہہ

کناہہ مشرووم

تھوو یاد مے کناہہ

کمر مٹہ کھورم

اپرد مے کناہہ

وڑی گو

وہ چھم نظرن تل

تم روپہ رنگو کولہ

تم سونہ رنگو ڈل

تم وانہ پینجن ہندک شامہ پھر

تم خاب شہلو

تم تازہ سحر

نتہ سرگم سازا آر کولن

تتہ ووسہ دروسہ دیو یار بلن

تتہ گر بدے تے گام بدل

تتہ شچھ بدے

الہام بدل

تتہ وبہ تانکو آیام بدل

تتہ قودرتھ باوان سپر بدل

تتہ مکر بدے تتہ پیر بدل

تتہ پیر بن ہندک وائساٹھ سو پُن

تتہ سو پُن ہندک تاپر بدل

تتہ وچھہکھ منوئے روپ بدل

تتہ تنہہ بدے جا گہر بدل

پنہ باسی از بد حال توے

چھس تھکے ناوان پتھ کال توے

مے چھ از گو مت

استحساس یہ سون
دکھ کھیے کھیے
چھم از زامت زون
چھلہ چھانگر چھم از کال پُن
دُبانر چھم پینہ کال پُن
مے چھ سنبل اوُن پینہ کال توے
مے چھ رُزھراؤن پتھ کال توے
مے چھ تھبکہ ناؤن پتھ کال پُن
مے چھ وِڑھناؤن پتھ کال پُن



اُہی

ہتا ہو آسمانو
 چون گردش
 ژک پھیر
 ژک پھیر کران
 یوہے انصاف چھا!
 اُچھن دون پٹ گنڈتھ
 ژے تھاتھ
 کم قلندر
 گرد منز ساءتھ
 بہ کیاہ دیمہ واٹھ
 چانبن حرفزن
 چھے میانی ذاتھ کیاہ

اوقات کیاہ
بہ چائس عظمس
یا طاقس
بزوفہ کنہ
کہیں ماچھس
مگراکھ کتھ ونے
گنی چھم ستھ ونے
مے آگر مائج چھم
گرزوں ڈکھس
یوہے چھم دم
پوشم نہ کاٹھہ
مے آہی
ماجہ ہنز
بدوس

کھوری کھوٹھس

خُدا یا!

یہ چھا سمسار کھری لَد
یا یہ میوئے کھوری کھوٹھس
کھر تُلان

گہے وُسجاری عالم

کل کڈان

چھکران زن

گہے دوسہ دولہ تہ

سوئچس کران

قاڈزن

گہے!

اخبار ورقو پٹھ تُلان

جائے، تارتخ تہ وار
مے نکھ ہمسایہ سہنر
دپان تکلیف اوُس
سورگہ واسس
گہے!

ای۔میل کتھ
بے میل رشتن ہنر

سدر اپار
میون زر
یُس نہ وچھے زانہہ
تیمر نہ وچھے زانہہ

☆☆☆

ووش

نظر پابند

ہر بن گنڈ

و جو دس بار

لا چاری

نہ کارے کاٹھہ

نہ اتھہ دتھ تڑ

نہ مطلب کاٹھہ

کتھن کھو کھن

نہ بوزن واکر

دل مڑ رتھ

اچھن دون ہنر ورنی

صحرا و بزر

گٹے مڑ گاتھ لے

ر نیو مت انتظار

کل چھ پاگل

اُمی بانہ خاب

پیہ گس

دپان موسم ووشن ہند

روزِ تامتھ

یو تامتھ ووش و پھل کانہہ

واتہ و پھ دتھ

آسمان

☆☆☆

بہ گس یہ ونہ ہا

مے وؤن نہ کائسی

سہ وؤتھ تہ یکدم

روٹن گر بیان

وچھس پھرتھ گوو

یہ کینٹھہ تہ اوٹم اثاثہ زون

مسح کُرن تم اچھرتہ سونہرک

مے پرک زمن

الاو بو رنم

رگن تہ روٹس

مے مؤل پڑاٹن

تہ مؤلہ کوؤٹس

مے وؤن نہ کائسی

مے وچھ اچھن منز

پز، کو ووپرتس

کتھن تمس اُس

مُشک خبر کزھ

شاہن تہ اُسس نہ بولے میز پھنز

مے وون نہ گانسی



سہ اوس میوئے

بہ نم تہ اوسم

سہ ماز میوئے

سہ خون میوئے

رنگس فرق زن

خیال گس تام

دوبالو میوئے

زبان کا شر
 بیان پاؤں
 سہ روپ میوئے
 ہنار نیو مت
 خطا تھمس یس
 خطا سہ میوئے
 بہ گس یہ ونہ ہا
 بہ کتھ یہ ونہ ہا
 مے وون نہ کاٹسی
 مے وون نہ کاٹسی
 ☆☆☆

الہ شہر

کلہ چھا کانہہ

کھم شہرس منز

گس گائل

تله از بار کلس

دستار

تہ گوہ گوہ مریادا

کلہ دینہ واکر آدم

کھنیہ و قتن

کتہ زنہ بیہ

کلہ ژڑی آدم تم

کلہ دن پوز

پلہ دستار تھون

سوئے اُس بدل لگے زُررِ یاتھا

رتہ ہٹے کے صافس

داغ چھلان

نے رُو درِ کئے

نے دستارِ بے

کتہ غارتھ

کتہ چشمنِ ترہم

نے رُو درِ زبھی

نے زچھرکِ غم

کلہ کنزِ کنزِ لُوگو

الہ ہسپتال

کلہ بدلتھ

لُوکن الہ شوبان

الہ غانچِ ووسہ دروس

الہ شہرس

☆☆☆

مے چھم ماکر وؤنمت

مے چھم ماکر وؤنمت
 تمس ماکر وؤنمت
 بہ چھس راتھ گو مت
 لگاہ گو و نچو چون
 ژ از چھکھ تہ وؤز کین
 کئے واٹھ اسہ دون
 کڈل چھکھ تہ کر کھے
 ژنے چھے کام سانی
 موہلو چیز میانی
 تمس تانی تارکھ
 رچھم وآنسہ از تام
 کمن تاوئن مژ
 دتم مول خبر کتر

خبرِ کتہِ ساتن
تمس پین ضرورتھ

یگاہ آسہ حاجتھ
تمس جاپہ پوداکھ

یگاہ آسہ حاجتھ
تمس شہلہ ژئیوہ اکھ

یگاہ ماوہنس وں
پن ناو پہچان
تمس آسہ اُندر اُندر

اپز شیشہ محلّا
تہ اکہ دوه پھٹن تس
اپز شیشہ محلس

یگاہ آسہ حاجتھ
تمس پنہ پزُرک

یگاہ آسہ حاجتھ
تمس میانہ سبزک

دَاُن تھُر

میانہ ڈبہ تل
پوشہ مہرتن
دَاُن تھُر
چون آسُن
شوب میانس آنگس
برثر گرس
گڑھ ژے لگوئے وائس میانی
پھڑ وژ سوتھا پوشے
گڑھ لجن لگوئے جہار
پترن بہار
پھلیہ رنگ
گڑھ ژے گریئے ساز

پانے کار ساز
 دآن تھری
 مس یانس
 مس چھکھ تہ روز
 کیناہ ونے
 رکتھ کنہ ونے
 گڑھ گڑھن
 میانن غمن وامن بدل
 اندری قبر
 چھس بہتھ ڈبہ پیٹھ
 تہ ڈبہ پیٹھ دورتام
 بستی نظر
 کانہہ تہ وتہ گتھ
 کانہہ نظر

کاٹھہ تہ اکھ چھنہ

تیٹھ نفر

یُس تے چانس یاوس

لولہ سان گلہ میوٹھ کرہے

آہیا

یُس تے چانہن دان پوشن

دان دیہ ہے

اتھ تکتھ

شفقت

پنج

رُت کا پنچ

سبز رچ تہ پز رچ

اکھ نظر

☆☆☆

وومید

ترٹے طوفان
گلے زل
بیہ منز
کھونہ کبتھ
دم پھٹڑ اوئدیوک
موصوم شر ہیو
گلے زول
سیاہ شیطان تر پھرنک
نال ترؤ پتھ
چاکر وٹتھ
سرلیس، گاشس
ٹھری تھاتھ

اسانس

گٹہ کار منگان



پڑ دیر !

پڑ زلور نہ دیر !

گنہ کنی آسنا

گاشہ ییا

انہ گٹہ

پیہ منز

موصومن کوڈ

واش وٹھن

اسن رکھن

آکار زغنم



کچھ تام

کچھ تام

بڈ دروازہ وژ

زپٹھ کڑکھا

بس!

زایہ وومید

☆☆☆

ٹوکہ سؤر

کھم تانی تبردارن

بے عارن

کرتا متھ

سہون یا ز اُتھ مائتھ

زؤنہ ماجہ ہندس

اُپنہ دلس

بے توقع

وُچنے

لاے تہر

ٹوکہ سؤر چھ پڑلان

تارکھ نب

ہے ہاے

ستم گر چار بر مئون

مُشتاقِ فدا

تارکھ باشن

انزان

غافل

بے پرواہ

تابان آنگن

تارکھ نب

شیشہ کھنجر چھے زوتان

اُنہ پتچ

زؤنہ ماجہ

نہ نہ

سخ ماجہ

سہ تمہ دودھ

پھٹ شاید

☆☆☆

دل چھا گل پھٹے ٹاس گڑھبس

تہہ ہے یا متھ یلہ گئے لاکم
 سوچن لچہ کوڈ ٹاس تہہ ژؤل
 کم کم کوہ تے بال ژھنڈن
 پتہ نیونس لیتھ واں پانس ستر
 یاد وتن رہدار دواں گو
 کٹڈی زالو منڈی زن نہہ وور
 ہلو ہلو وٹہ پود وٹہ رؤشتھ ژؤل
 ہتھ کئی ماجہ چھ شر روشن
 تھر ہے پتہ پتہ بڑوٹھ پوگس
 کھور ٹھہرووم
 ژاہہ باجن ہند چیر گیش بوزم
 نظراہ تر آوم

بونہ شہجار وچھم
 ہارن زین
 تہ پچہ پلون
 مائے تہ ملوڑار وچھم



ٹٹے وار کوڑم
 قرنہ پھیرا ہیو
 . واؤن دیٹ ورتاوس پھیش
 پن آہ زھینز زھینز
 زن اُس اُمی
 گھر آے پھڑ پھڑ
 دل پھڑ پانے
 گگرایو زھچہ باکہ کوپاٹھبن
 وڑ ملہ دژ تلوارن تہزک

ہوئیں تھر تھر

مؤلن الہ الہ

شر کے گر گر تلو اساہ

ٹکھ تر اوم ہتھ لکے ساساہ

موچھ منر زو ہتھ دؤر ژؤس



دم سنبلووم

دوش تر دؤم

چھوت چھوت اکھ درویشا ڈیوٹھم

زن تہ ورق اتھاسک کانہہ

لوت لوت وئی نم کتھ وری یں ہنر:

پیٹہ قاد نظر

رتہ بانہ چگر

رتہ داؤر زبان

بے معنیہ اچھر

پیٲہ کوچس کوچس کال نزان

پیٲہ تان وٹان اِ لاش سمان

مے چھ تھو وُمت پڑتھ گُنہ قبر لیکھتھ

کوس لاش تہ کوس کوس آس دفن

پیٲہ باسی پیٲہ کانہہ گرہز کتھ

سرتازِ حقیتھ باکہ تڑھٹان

ونہ کھے تہ بیہ ہاوے وُنی کھولتھ

لاش آسن پنجر گمتر

گل آسن آسن بر گائمتر

موچھ مؤران آسن وُنیہ ارمان



شاہ ماتر وُوم

وبتہ روُوم

یہ چھ نون چھوکن
 یہ چھ تراش پکھن
 دل چھاگل بسٹھ ناس گوتھیں
 دلہ واپس پتھرو
 سمجھو دم

جایز چھا بار کٹھن منز پھیرن
 نتہ وورے چھکھ
 رتہ دا ور گوتھکھ
 رگہ نے سز نہہ چھے
 دگ تنہی
 دؤ پکس نہہ پانس

☆☆☆

خاب

خاب اکھ چھم خانہ مول

دوہلہ وچھمٹ چھم

دپن منز روچھم

مے ماس نہدر وچھم

واریاہ دوہدش

کئے اوسم

تہ شونگئے مادئین زائہہ

بہ کتہ شونگہ ہا

منز کی مہراہ اوسم

رأتی راتس

لولہ للہ ناؤن

بہ آسا یا نہ آسا

لاگہ تيمہ دوه

جامہ عملی خانہ مول

خبر گس آسہ

وڈ اسبند تہ کانگر ہتھ

گنڈ بس دستار کانہہ

گو زھس آسن

بہ کر ہس

زیوٹھ میوٹھا اکھ

تہ ونہ ہس

خاب میون

☆☆☆

تپلہ سڑکھ

وَأَنَا كَهْ وَيَكْهَرُ

کپلہ کال کر ہنر

سُر پھنر وِر ہج

واش کڈتھ

تپلہ سڑکھ

زندگی ہش ہو بہو

عار گڑ

اسکھاسہ رؤس

بے مروت

بدلجاظ

حادرشن تے حارک شاتن ہنر دِلپل

بُتھ مگر پلگل سپاٹ

باو رؤس

گینو وراے

سمیہ گر کنز

ژء کر پھیر

مان لچمڑ موسمن

رؤد ژادر

سرٹکہ لوتہ لوتہ بٹھ چھلان

آکھ ساری

داغ کلہم

غائب

ساری نشان

☆☆☆





Chashman Chashman Khabich Kath

(a collection of Kashmiri poetry)



KALHAN KOUL

H. No. 31, Lane 1, Bolck B, Roop Nagar Enclave,
JAMMU J&K

Mobile : 9858294130



ADHRIT PUBLICATIONS

PTD. BY : VALLEY PRINTING PRESS